



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-615-4/24**
Datum: **17.02.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «AME» d.o.o. Breza za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona i betonske galanterije u ul Branilaca grada bb, općina Breza, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «AME» d.o.o. Breza daje se vodna dozvola za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona i betonske galanterije izgrađenog u ul Branilaca grada bb na zemljištu označenom kao k.č. broj: 1466/2 K.O. Mahala, općina Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje instalirane opreme i objekata na predmetnom pogonu za proizvodnju betona i betonske galanterije vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbjeđuje da se tehnološke otpadne vode nastale u proizvodnom postupku spravljanja betona i proizvodnje betonske galanterije, pranjem tehnološke opreme nesmetano prikupljaju u taložnicima, a nakon taloženja iste vraćaju u sistem recirkulacije.
 - 2.3. Da se, za vrijeme trajanja ove dozvole, obezbjeđuje da se onečišćene otpadne vode sa radnih površina, platoa i manipulativnog prostora prikupljaju zasebnim kanizacionim sistemom sa linijskim slivnim rešetkama te odvođe na tretman u separator ulja i masti. Prečišćene vode, preko okna za monitoring, se ispuštaju u kanizacioni kolektor sa krajnjim ispuštanjem u rijeku Stavnju.
 - 2.4. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Da se objekti koji će se, koristiti u svrhu prikupljanja, odvodnje i tretmana otpadnih voda nastalih u krugu kompleksa (slivničke rešetke, taložnici, separator ulja i masti, kanizaciona mreža) održavaju i koriste na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Otpad nastao u proizvodnom procesu, talog iz taložnika i separatora ulja i masti te ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na obale vodotoka.
 - 2.7. Čišćenje i održavanje taložnika te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz taložnika i separatora ulja i masti kao i preuzimanje drugog otpada.
 - 2.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 2.9. Vlasnik odnosno korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.10. Vlasnik odnosno korisnik predmetnog objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Korisnik predmetnog pogona je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «AME» d.o.o. Breza, dana 03.12.2024. godine, podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona i betonske galanterije izgrađenog u ul Branilaca grada bb na zemljištu označenom kao k.č. broj: 1466/2 K.O. Mahala, općina Breza.

U provedenom postupku dostavljena je i pregledana sljedeća dokumentacija:

- Kopija Aktuelnog izvoda iz sudskog registra broj: 043-0-RegZ-24-000038 izdatog dana 05.01.2024. godine od strane Općinskog suda u Zenici,
- Kopija Uvjerenja o poreznoj registraciji izdatog dana 13.09.2005. godine od strane Porezne uprave – Kantonalni ured Zenica,
- Kopija Uvjerenja o registraciji obveznika poreza na dodanu vrijednost broj: 04/5-1/IV-17-1-5684-2367/05 izdatog dana 12.11.2005. godine od strane Uprave za indirektno-neizravno oporezivanje Banja Luka,

- Kopija Rješenja o vodnoj dozvoli broj: UP-I/25-2-40-561-4/19 izdatog dana 26.12.2019. godine od strane «Agencije za vodno područje rijeke Save» Sarajevo,
- Kopija Rješenja o odobrenju za upotrebu objekta broj: 12-23-185/06 izdatog dana 05.01.2008. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Ugovora o čišćenju separatora ulja i masti i odvozu otpadnog mulja i taloga iz separatora broj: 808/23-DS zaključen sa «DELTA PETROL» d.o.o. Kakanj, maj 2023. godine,
- Kopije Izvještaja o monitoringu kvaliteta i kvantiteta otpadnih voda pogona «AME» d.o.o. Breza urađenih od strane «Inspekt-RGH» d.o.o. Sarajevo (broj: 99/24, maj 2024. godine, broj: 1888/24, septembar 2024. godine),
- Projekat izvedenog stanja (instalacije vodovoda i kanalizacije - vanjsko uređenje) za poslovni objekat za proizvodnju betonske galanterije «AME» d.o.o. Breza urađen od strane «ES HYDROTECHNICS» d.o.o. Sarajevo, septembar 2019. godine (na uvid),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog pogona u ul Branilaca grada bb, općina Breza i tom prilikom je sačinjen Zapisnik o uviđaju broj: UP-1/21-3-40-615-3/24 od 12.02.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni pogon za proizvodnju betona i betonske galanterije izgrađen je u ul Branilaca grada bb, općina Breza. Tokom 2024. godine u predmetnom pogonu proizvedeno je oko 3000 komada betonskih ivičnjaka koji se prvenstveno proizvode u ovom pogonu.

Za isti je od strane Agencije izdato Rješenje o vodnoj dozvoli broj: UP-I/25-3-40-561-4/19 od 26.12.2019. godine sa određenim uslovima. U toku uviđaja utvrđeno je da nije bilo izmjena u odnosu na navedenu dozvolu. Na predmetnom lokalitetu izgrađen je administrativni objekat - upravna zgrada preduzeća, natkriveni prostor za proizvodnju betonske galanterije, otvoreno skladište kamenog agregata raspoređeno po frakcijama, otvoreno skladište gotovih proizvoda, dva taložnika, interna benzinska pumpa (nije u upotrebi), natkriveni prostor za remont teških vozila, separator ulja i masti, parking i manipulativne površine.

Snabdijevanje vodom za sanitarne i tehnološke potrebe riješeno je priključkom na gradski vodovodni sistem dok se prikupljene sanitarno-fekalne otpadne vode iz toaleta za uposlene ispuštaju u kanizacionu mrežu.

Tehnološke otpadne vode nastale u postupku spravljanja betona i proizvodnje betonske galanterije se prikupljaju sistemom 2 taložnika a nakon taloženja, iste su u sistemu recirkulacije.

Onečišćene otpadne vode sa radnih i manipulativnih površina koje mogu biti opterećene supendovanim materijama se prikupljaju zasebnim kanizacionim sistemom sa linijskim slivnim rešetkama i revizionim oknima te odvođe na tretman u separator masti i ulja. Prečišćene vode se preko okna za monitoring, ispuštaju u kanizacioni kolektor sa krajnjim ispustom u rijeku Stavnju.

JP «KOMUNALNO» d.o.o. Breza posjeduje Rješenje o vodnoj dozvoli broj: UP-I/25-3-40-635-4/19 za ispuštanje otpadnih voda iz kolektora «Jasike», «Smrekovica» i «Sutješćica» u rijeku Stavnju (izdato dana 10.02.2020. godine od strane Agencije). Ovim Rješenjem nije obuhvaćeno ispuštanje otpadnih voda iz kolektora u koji se upuštaju otpadne vode predmetnog objekta betonare.

Monitoring otpadnih voda se vrši redovno. Uvidom u dostavljene Izvještaje o monitoringu urađene u maju i septembru 2024. godine od strane «Inspekt-RGH» d.o.o. Sarajevo, nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije. Čišćenje separatora se vrši redovno od strane «DELTA PETROL» d.o.o. Kakanj prema Ugovoru.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog pogona u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07). U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva «AME» d.o.o. Breza, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona i betonske galanterije izgrađenog u ul Branilaca grada bb, općina Breza, te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-615-2/24 od 11.02.2025. godine i upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «AME» d.o.o. Breza
Branilaca grada bb, 71370 Breza
- Ⓢ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava